

诗义标准

詩義標準五十下之下

朋友二下之下

贈答四

長沙 王錫光 譔集

李邦直見邀終日對臥南城亭上二首

宋 蘇轍

一徑陂陀草木間。孤亭勝絕俯川原。
青天圖畫四山合。白晝雷霆百步喧。
煙柳蕭條漁市遠。汀洲蒼莽白鷗翻。
客舟何事來恩草。逆上波濤吐復吞。

東來無事得遨遊。奉使清閒亦自由。
撥棄簿書成一飽。畱連笑語失千憂。
舊書半卷都如夢。清簟橫眠似欲秋。
聞說歸朝今不久。塵埃還有此亭不。

贈姜公弼

蘇轍

生長芸間已異芳。風流稷下古諸姜。
適從瓊管魚龍窟。秀出羊

言五十二卷 月方 則名四
城翰墨場滄海何曾斷地脈白袍端合破天荒錦衣他日千人
看始信東坡眼目長

和子瞻沿牒京口憶西湖出遊見寄

宋陳襄

春陰漠漠燕飛飛可惜春風與子違半嶺煙霞紅旆入滿湖風
月畫船歸綬笙一闋人何在遼鶴重來事已非猶憶去年離別
處鳥啼花落客霑衣

古詩二首上蘇子瞻

黃庭堅

江梅有佳實託根桃李場桃李終不言朝露借恩光孤芳忌皎
潔冰雪空自香古來和鼎實此物升廟廊歲月坐成晚煙雨青
已黃得升桃李盤以遠初見嘗終然不可口擲置官道傍但使
本根在棄捐亦何傷

青松出澗壑十里聞風聲上有百尺絲下有千歲苓自信得久
要爲人制頽齡小草有遠志相依在平生醫和不並世深根且
固蒂人言可醫國何用太蚤計小大材則殊氣味固相似

次韻王稚川客舍二首

彭山黃氏有山谷手書此詩云王稚川元豐初調官京師寓家鼎州

親年九十餘矣嘗閱貴人家歌舞醉歸書其旅邸壁間云
雁外無書爲客久蛩邊有夢到家多畫堂玉佩縈雲響不
及桃源欸乃歌余訪
稚川於邸中而和之

五更歸夢常苦短一寸客愁無奈多慈母每占烏鵲喜家人應
賦屢屢歌

身如病鶴翅翎短心似亂絲頭緒多此曲朱門歌不得湖南湖
北竹枝歌

王稚川旣得官都下有所盼未歸予戲作林夫人欸乃歌

二章與之竹枝歌本出三巴其流在湖湘耳欵乃湖南歌

也

黃氏有山谷手寫舊本題云予復代稚川之妻林夫人寄稚川時稚川在都下有所顧盼畱連未歸也

花上盈盈人不歸棗下纂纂實已垂臘雪在時聽馬嘶長安城

中花片飛

從師學道魚千里蓋世成功黍一炊日日倚門人不見看盡林
鳥反哺兒

贈鄭交

山谷有招清公詩跋云草堂鄭交處士隱處小塘芙蓉盛開使雞伏鴛鴦卯與人馴狎不驚畏老禪

延恩長老法安師懷道遜世清公少時蓋依之數年今觀跋意卽此詩但題不同爾鄭交字子通見於山谷書尺及

跋題

黃庭堅

高居大士是龍象草堂丈人非熊羆不逢壞衲乞香飯唯見白

頭垂釣絲鴛鴦終日愛水鏡菡萏晚風彫舞衣開徑老禪來煮

茗還尋密竹逕中歸

次韻吳宣義三徑懷友

黃庭堅

佳眠未知曉屋角聞晴哢萬事頗忘懷猶牽故人夢采蘭秋蓬
深汲井短綆凍起看冥飛鴻乃見天宇空甚念故人寒誰省機
與綜在者天一方日月老賓送往者不可言古柏守翁仲

次韻定國聞蘇子由臥病績溪

黃庭堅

炎洲冬無冰十月雷虺虺及春瘧癘行用人祭非鬼巫師司民
命藥石不入市溪弩潛發機土風甚不美蘇子臥江南感歎中
夜起聞道病在牀食魚不知旨寒暑戰胸中士窮有如此此公
天機深爵祿心已死養生遺形骸觀妙得骨髓后皇蒔嘉橘中
歲多成枳佳人何時來爲天啟玉齒湔袞瘴霧姿朝趨去天咫

言五十二卷 別本贈答四
諸公轉洪鈞國器方薦砥矢詩寫予心莊語不加綺

次韻子瞻贈王定國

黃庭堅

遠志作小草鼃衣生陵屯但爲居移氣其實何足言名下難爲
人醜好隨手翻百年炊未熟一垤蟻追奔夏日蓬山永戎葵茂
牆藩王子吐佳句如蠶絲出盆風姿極灑落雲氣畫壘樽屬有
補袞章日當寵頻煩鄙夫無他能上車問寒溫惟思窮山去抱
犢長兒孫

奉和文潛贈無咎篇末多見及以旣見君子云胡不喜爲

韻

山谷嘗寫答邢居實詩及此詩與徐師川曰後
八詩頗得意者故漫錄往或與潘洪諸友讀之

黃庭堅

龜以靈故焦雉以文故翳本心如日月利欲食之旣後生玩華

藻照影終歿世安得八紘宜以道獵眾智

談經用燕說束棄諸儒傳濫觴雖有罪末派瀾九縣張侯真理窟堅壁勿與戰難以口舌爭水清石自見

野性友麋鹿君非我同羣文明近日月我亦不如君十載長相望逝川水汙汙何當談絕倒茗椀對鑪薰

北寺鎖齋房塵鑰時一啟晁張楚然來連璧照書几庭柏鬱蔥蔥紅榴罇多子時蒙吐佳句幽處萬籟起

先皇元豐末極厭士淺聞只今舉秀孝天未喪斯文晁張班馬首崔蔡不足云當令橫筆陣一戰靜楚氛

張侯窘炊玉僦屋得空壚但見索酒郎不見酒家胡雖肥如瓠壺胸中殊不麓何用知如此文彩似於菟

荆公六藝學妙處端不朽諸生用其短頗復鑿戶牖譬如學捧
心初不悟己醜玉石恐俱焚公爲區別不
吾友陳師道抱獨門掃軌晁張作薦書射雉用一矢吾聞舉逸
民故得天下喜兩公陣堂堂此士可摩壘

次韻子瞻武昌西山

東坡集此詩序云元祐元年十一月二十九日與翰林承旨鄧聖求會宿

玉堂偶話舊事聖求嘗作元次山窪樽銘刻之巖石因爲此詩請聖求同賦

黃庭堅

漫郎江南酒隱處古木參天應手栽石坳爲尊酌花鳥自許作
鼎調鹽梅平生四海蘇太史酒澆不下胸崔嵬黃州副使坐閒
散諫疏無路通銀臺鸚鵡洲前弄明月江妃起舞襪生埃次山
醉魂招髣髴步入寒溪金碧堆洗湔塵痕飲嘉客笑倚武昌江
作壘誰知文章照今古野老爭席漁爭隈鄧公勒銘畱刻畫刻

別銀鉤洗綠苔。琢磨十年煙雨晦。摸索一讀心眼開。謫去長沙憂鵬入。歸來杞國痛天摧。玉堂卻對鄧公直。北門喚仗聽風雷。山川悠遠莫浪許。富貴崢嶸今鼎來。萬壑松聲如在耳。意不及此文生哀。

子瞻詩句妙一世。乃云效庭堅體。蓋退之戲效孟郊樊宗師之比。以文滑稽耳。恐後生不解。故次韻道之。

黃庭堅

我詩如曹鄴。淺陋不成邦。公如大國楚。吞五湖三江。赤壁風月笛。玉堂雲霧窗。句法提一律。堅城受我降。枯松倒澗壑。波濤所舂撞。萬牛挽不前。公乃獨力扛。諸人方嗤點。渠非晁張雙。但懷相識察。牀下拜老龐。小兒未可知。客或許敦龐。誠堪壻阿巽。買

紅纏酒缸

柳閱展如蘇子瞻甥也其才德甚美有意於學故以桃李不言下自成蹊八字作詩贈之

黃庭堅

柳君文甚武睨視萬人豪老氣鼓不作卷旗解弓刀上爲朝陽桐下爲澗溪毛囊中有美實期子種蟠桃

浮陽愧嘉魚道傍多苦李古來賢達人不爭咸陽市吾子富春秋日月東趨水潛聖有玉音聞道而已矣

霜威能折綿風力欲冰酒勤子能訪道枵然我何有寢興與時俱由我屈伸肘飯羹自知味如此是道不

任世萬鈞重載言以爲軒空文誤來世聖達欲無言咸池浴日月深宅養靈根胸中浩然氣一家同化元

陸沈百世師寄食魯柳下我今見諸孫風味窺大雅大雅久不作圖王勿成霸偉哉居移氣蘭鮑在所化

聖學魯東家恭惟同出自乘流去本遠遂有作書肆日中駕肩來薄晚常掉臂徒囂終無羸歸矣求己事

清潤玉泉冰高明秋景晴妙年勤翰墨銀鉤爛縱橫藍田生美璞未琢價連城思爲萬乘器柱下貴晚成

八方去求道渺渺困多蹊歸來坐虛室夕陽在吾西君今秣高馬夙駕先鳴雞慎勿取我語親行乃不迷

和答子瞻和子由常父憶館中故事

東坡詩序大抵謂近歲館中同舍不復飲

酒賦詩之樂詩用屏字韻

黃庭堅

二蘇上連璧三孔立分鼎少小看飛騰中年嗟遠屏風撼鵲鴿

言五十一卷 朋友贈答四
枝波寒鴻雁影天不極斯文俱來集臺省日月黃道明桃李春
晝永時平少犴獄地禁絕鼃黽頗懷修故事文會陳果茗當時
羣玉府人物殊秀整下直馬闐闐杯盤具俄頃共醉淩波襪誰
窺投轄井天網極恢疏道山非簿領何曾歸閉門燈火坐寒冷
欲觀太平象復古望公等賤子託後車當煩煮湯餅

戲呈孔毅父

黃庭堅

管城子無食肉相孔方兄有絕交書文書功用不經世何異絲
窠綴露珠校書著作頻詔除猶能上車問何如忽憶僧牀同野
飯夢隨秋雁到東湖

次韻秦觀過陳無已書院觀鄙句之作

觀字少章卽少游之弟無已蓋陳後

山舊
字

黃庭堅

陳侯大雅姿四壁不治第碌碌盆盎中見此古罍洗薄飯不能羹牆陰老春薺惟有文字性萬古抱根柢我學少師承坎井可窺底何因蒙賞味相享當牲醴試問求志君文章自有體元鑰鎖靈臺渠當爲君啟

晁張和答秦觀五言予亦次韻

黃庭堅

山林與心違日月使鬢換儒衣相詬病文字奉娛玩自古非一秦六籍蓋多難詩書或發冢熟念令人惋秦君銳本學驥子已血汗相期驂天衢伯樂嘗一盼士爲欲心縛寸勇輒尺懦要當觀此心日照雲霧散扶疏萬物影宇宙同璀璨置規豈惟君亦自警弛慢

次韻文潛同遊王舍人園

王舍人名
械字才元

黃庭堅

移竹淇園下。買花洛水陽。風煙二十年。花竹可迷藏。九衢流車馬。相值各恩忙。豈有道邊宅。靜居如寶坊。幅巾延客酒。妙歌小紅裳。主人有班綴。衣拂玉鑪香。常恐鷦鷯鳴。百草爲不芳。故作龜曳尾。頗深漆園方。初開蝸牛廬。中置師子牀。買田宛邱間。江漢起濫觴。今此百畝宮。冬溫夏清涼。身閑閱世故。宇靜發天光。安肯聲利場。牽黃臂老蒼。張侯筆瑞世。三秀麗齋房。作詩盛推賞。明珠計斛量。掃花坐晚吹。妙語益難忘。重游樊素病。捧心不能妝。來日猶可追。聽我歌楚狂。

次韻王定國揚州見寄

黃庭堅

清洛思君晝夜流。北歸何日片帆收。未生白髮猶堪酒。垂上青雲卻佐州。飛雪堆盤鱸魚腹。明珠論斗煮雞頭。平生行樂自不

惡。豈。有。竹。西。歌。吹。愁。

次韻柳通叟寄王文通

黃庭堅

故。人。昔。有。凌。雲。賦。何。意。陸。沈。黃。綬。間。頭。白。眼。花。行。作。吏。兒。婚。女。
嫁。望。還。山。心。猶。未。死。杯。中。物。春。不。能。朱。鏡。裏。顏。寄。語。諸。公。肯。湔。
被。割。雞。令。得。近。鄉。關。

戲答陳元興

實錄元祐二年八月陳軒
爲主客郎中軒字元興

黃庭堅

平。生。所。聞。陳。汀。洲。蝗。不。入。境。年。屢。豐。東。門。拜。書。始。識。面。鬢。髮。幸。
未。成。老。翁。官。饗。同。盤。厭。腥。膩。茶。甌。破。睡。秋。堂。空。自。言。不。復。蛾。眉。
夢。枯。淡。頗。與。小。人。同。但。憂。迎。笑。花。枝。紅。夜。窗。冷。雨。打。斜。風。秋。衣。
沈。水。換。薰。籠。銀。屏。宛。轉。復。宛。轉。意。根。難。拔。如。薤。本。

再答元興

黃庭堅

言五十一卷 別卷 贈答四
君不能入身帝城結子公又不能擊強有如諸葛豐法當憔悴
百寮底五十天涯一秃翁問君何自今爲郎便殿作賦聲摩空
偶然樽酒相勞苦牛鐸調與黃鍾同安得朱轡各憑熊江南樓
閣白蘋風勸歸啼鳥曉窗籠男兒邂逅功補袞烏倦歸巢葉歸
本

同子瞻和趙伯充團練

黃庭堅

金玉堂中寂寞人仙班時得共朝真兩宮無事安磐石萬國歸
心有老臣家釀可供開口笑侍兒工作捧心顰醉鄉乃是安身
處付與升平作幸民

次韻子瞻以紅帶寄王宣義

王淮奇字慶源眉之青神人東坡叔丈人也晚以累舉恩

得官

黃庭堅